

Na osnovu člana 20. i člana 21. stav (1) Zakona o strancima ("Službeni glasnik BiH", broj 88/15) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva vanjskih poslova Bosne i Hercegovine, Vijeće ministara Bosne i Hercegovine na 113. sjednici, održanoj 05.09.2017. godine, donijelo je

ODLUKU O IZMJENAMA I DOPUNAMA ODLUKE O VIZAMA

Član 1.

U Odluci o vizama ("Službeni glasnik BiH", br. 3/15 i 47/17) u članu 2., naziv člana mijenja se i glasi „*Bezvizni režim*“.

U članu 2. riječi „*do 90 dana u periodu od šest mjeseci, počevši od dana prvog ulaska*“, mijenjaju se i glase „*od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka*“, te se dodaju sljedeće zemlje:

Dominika, Gruzija, Grenada, Istočni Timor, Kiribati, Kolumbija, Maršalska Ostrva, Mikronezija, Palau, Peru, Samoa, Solomonska Ostrva, Sveta Lucija, Sveti Vinsent i Grenadini, Tonga, Trinidad i Tobago, Tuvalu i Vanuatu.

Član 2.

Član 17. mijenja se i glasi:

„(1) Državljeni zemalja sa kojima Bosna i Hercegovina ima vizni režim, mogu sa pasošem ući u Bosnu i Hercegovinu, bez obaveze pribavljanja viza za ulazak, izlazak, tranzit i boravak na teritoriji Bosne i Hercegovine i to ukoliko isti posjeduju važeću višekratnu vizu ili dozvolu boravka izdatu u zemljama potpisnicama Šengenskog sporazuma, zemljama članicama Evropske unije ili Sjedinjenim Američkim Državama.

(2) Vrijeme boravka u Bosni i Hercegovini u slučajevima iz ovog člana, moguće je ukupno u trajanju od 90 dana u bilo kojem periodu od 180 dana, s tim da jedan neprekidan boravak u Bosni i Hercegovini ne može biti duži od 30 dana i u roku važenja vize ili dozvole boravka izdatih od strane zemalja iz stava (1) ovog člana.

Član 3.

U članu 18. riječi „*do 90 dana u periodu od šest mjeseci, počevši od dana prvog ulaska*“, mijenjaju se i glase „*od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka*“.

Član 4.

U članu 19. riječi „do 90 dana“ mijenjaju se i glase „od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka“.

Član 5.

U članu 20. riječi „do 90 dana u periodu od šest mjeseci, počevši od dana prvog ulaska“, mijenjaju se i glase „od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka“.

U tački c) ispred riječi „Andora“ dodaje se riječ „Albanija“.

Član 6.

U članu 23. stav (1) riječi „do 90 dana u periodu od šest mjeseci“, mijenjaju se i glase „od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka“.

U st. (2) i (3) riječi „do 90 dana u periodu od šest mjeseci, počevši od dana prvog ulaska“, mijenjaju se i glase „od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka“.

Član 7.

Ova Odluka stupa na snagu narednog dana od dana objavljivanja u „Službenom glasniku BiH“.

VM broj ____/17
05. septembra 2017. godine
Sarajevo

Predsjedavajući
Vijeća ministara BiH
Dr. Denis Zvizdić, s.r.